

Por conclui for di Benny Sevinger cu:

Minister ta duna tereno cu un man y cu e otro man ta kite

ORANJESTAD (AAN) — Den conferencia di prensa semanal di AVP, señor Benny Sevinger a referi na e maneho di Minister di Asunto Social y Infraestructura, pa loke ta trata otorgamento di tereno, y segun por conclui for di su declaracion, e minister ta duna tereno cu un man pero ta kite cu e otro man!

El a bisa cu durante e prome presupuesto di gobierno actual, cu Parlamento a atende, e mandatario a bin padilanti y bisa cu e gobierno anterior no a cumpli cu su trabao di parti tereno, pasobra el a bin haya 14 mil peticion pa tereno na Domein Beheer.

Segun sr. Sevinger AVP a ripara cu e mandatario no a haci su esfuerzo pa mira cu e gobierno anterior a parti mas cu cinco mil tereno, pero simplemente a mira cuanto peticion tin y a saca e conclusion cu e trabao no a worde haci.

E politico di AVP a sigui bisa cu nan a bisa e minister cu si ta asina e ta saca conclusion, for di e momento ey nan ta pronostica cu den su cuatro añanan como minister e lo faya mas barbaramente, pasobra probablemente e 14 mil peticion ey lo bira 20 mil, pasobra conforme un pais ta crece mas peticion ta sigui drenta, y no mester lubida cu Aruba ta keda di mesun grandura y na cierto momento gobierno no por sigui parti tereno manera cu hende kier.

Sevinger a agrega cu minister di Infraestructura a bin cu un idea masha ingenioso pa


drecha e situacion aki, cu ta inscribi tur hende di nobo. Kiermen, 14 mil hende mester a bay inscribi atrobe y hopi di nan no tabata sa mes ki dia nan mester a inscribi, hopi no tabata na Aruba na e momento ey, y hopi no a tende mes cu mester bay re-inscribi,

y consecuentemente miles di peticion a cay afo, mientras cu señora minister a bisa cu gobierno a soluciona gran parti di e problema.

Benny Sevinger a splica esaki bisando cu e minister no a duna e hendenan tereno sino cu simplemente a saca nan for di computer pero e ta broma cu el a baha e cantidad, no obstante esaki no a soluciona e problema.

Segun Sevinger gobierno anterior a laga den plan terenonan cu tabata midi cu tabata pa otorga na cierto personanan,

segun criterionan cu D.B tabata tin e tempo ey, pero cu a worde para, y otro personanan a haya nan. En todo caso e mandatario a haya cantidad di terenonan cu e por a duna



na e momentonan ey.

Tambe, el a agrega, cu ademas tabata tin terenonan cu mester a worde midi y cu tabata worde midi pa gobierno anterior na Cadaster, y cu el a forza pa nan worde midi, loke tabata su deber tambe y cu e ta otorgando aworaki.

“Pero sinembargo, e señora aki mes como minister no a pone ningun prioridad riba midimento di tereno. Simplemente e ta haciendo un show pa aparenta cu e ta dunando tereno, pero esaki no ta realidad”, Sevinger a

mentona.

Benny Sevinger a lesa e carta cu e mandatario ta manda pa hendenan cu mester bin na remarca pa haya tereno, unda cu e ta avisa nan cu nan peticion a yega na turno pa haya un tereno y cu e tin cu reacciona den siete dia, y si no automaticamente e ta perde su tereno.

“Consecuentemente, hopi persona prome cu nan haya chens di lesa e carta ya nan a perde nan tereno”, Sevinger a remarca, y el a agrega cu den e sistema di antes tabata Domein Beheer tabata avisa e peticionario y aki e proceso tabata sigui te bay Notario.

Pero awor ta e minister mes ta manda e carta y e persona mester bin na su oficina cerca un di su coordinadoman pa nan tende ken a duna nan tereno.

“Kiermen, corda bon bo ta haya tereno pero corda bon ta minister

Marisol Lopez-Tromp a duna bo e tereno. Bo no tin derecho riba dje eigenlijk. Bo’n ta Arubiano bo’n tin peticion pero minister ta yama bo pa

bo corda ora di eleccion pa ken bo tin cu vota”, segun Sevinger a acentua.

Segun Sevinger, na final di cuenta prome cu e persona yega na Notario e tin cu paga un total di mas of menos 1.100,= Florin cu e tin cu cumpli cune, y si pa algun motibo e no por cumpli e ta perde su tereno tog.

“Y un di e aspectonan importante den e punto aki ta e parti financiero. Nos tur sa cu Aruba ta pasando den momentonan dificil y cu e gobierno aki a tuma cantidad di medida y den menos cu tres luna bo kier pa un ciudadano regla na banco pa e haya un hipoteca, paga su mapa, su bouwvergunning y regla

diferente documentonan cu bo sa di adelanta cu e lo no por cumpli cu nan. Y na final e carta ta bisa cu si bo no lo no cumpli automaticamente nos ta pasa e tereno aki pa otro persona”, Sevinger a subraya.

Segui lesa pag. 3

TIJD VAN GAAN IS GEKOMEN!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Machine di
Veila
Afl. 39,95